

pitels angewiesen ist: Oder man kan die strich des Compas wol dorthin nach ziehen/ vmb zu gebrauchē dorn orten/ da die abweichung/ durch vorgehende vnderrichtung bekant ist. Wir wollens auff dismal hier bey lassen bleiben / dieweil die Experiētz in diesem/ die beste vnderweisung.

Das achte Capitel

Darinnen gelehrt wirdt/ wie man Garten von Landtschafften machen/ auch eine ganze Provinz abmessen solle.

Wenn auch eine Garten zu beschreibē von einer gantzen Landtschafft/ mit ihren zugehörigen Stätten/ Dörffern vñ Fleckē/ so ist von nöthen das man gute erkantenus habe von der gelegenheit vnd distantien desselben Landts / oder so man kein wissensschafft der weiten/ muß man zum wenigsten der proportion derselben/ von den Stätten vnd Dörffern/ so man Cartiern will/ berichtet sein/ so man aber kein wahre distantz von einigem ort hat / kan man auch in der gemachten Garten mit dem Circkel kein gewisse weiten abmessen/ als folgende verstanden werden soll.

Wie man aber die wahre lēge oder distantz zwischē zweyen oder mehr örtern/ durch einiges Instrument/ solle abmessen end erkundigen/ haben wir so wol im andern theil dieses buchs ohne Calculation als im ersten theil/ durch Calculation gelehrt/ darumb wir vnderlasse solches alhie auff ein newes zu wiederholen/ vnd so viel die proportion der distantien zu finden/ belanget/ ist solche auß vorgehender vnderweisung genugsam zu verstehen/ furnemblich durch das 2 Exempel des dritten Capitel im 2 theil dieses buchs/ aber man muß scharpff observirn das jenige so von kleinē dingen gesagt/ das man ein solches auch von grossen verstehe/ vnd denselben zueigne/ (dan hierin ist die kunst in einem Menschen bekant/ das er weiß sein erkantnus vnd verstande zu zueignen vnd zugebrauchen/ zu der zeit vnd an dem ort/ das selches die notturfft erfordert.) zu mehrerm vnderweiß wollen wir vorstellen disz folgende:

Exempel 1